

壬癸志稿十一

太倉錢寶琛伯瑜輯

同里

葉裕仁涵溪  
季錫疇崧耘  
趙兆熊耳山  
畢庭杰雄伯

參校

人物

太倉州

技術

元

宋尹文字文璧幼習文學用薦為翰林檢閱官學瑟於  
秋山徐氏得其傳大德間魯國長公主聞其名召至奏  
胡笳十八拍公主稱善後歸老報本寺精六壬遁甲術

壬癸志稿

技術

推測多奇中

明

周禎字子祺世業醫子砥字履道洪武初薦授州判不  
就就巡檢任四十餘年惟以藥石濟人砥子康康子頤  
頤子深皆能傳其業而深所業尤精

邵伯俞精於醫洪武初徵入太醫院子啟南世其職

許謏字元孚其先鸞江人隨宋南渡家太倉謏少從王  
履游通儒書深造醫理自號婁愚

張謹字敬民居雙鳳里業醫以薦仕至醫師能起垂死  
竟不責報壽七十二子羽見薦辟

周煥文家於沙溪世業醫從父戍河間代歸延治者甚眾曰無虛晷

郁震字鼎文世業醫有名震讀書尚節義初應名醫召至北京復以才武三從偏帥經略西域諸國以功授蘇州府醫學正科賜三品服致仕年八十一卒弟巽字鼎志亦精醫

陶浩字巨源諸生爲許謚館甥因傳其業能數起奇疾遠近聞其名求療者日至素清儉有土行鄉人至今稱名醫必曰巨源

周巽字廷順好讀書家富少多疾徧請名醫治之後遂

壬癸志稿

技術

二

精其術貧者就醫多館穀之兼施以藥弟豫以瘍科名朱蒙字昧之別姓桂精茶理先是芥山茶葉用柴焙之蒙易以炭益香冽又創諸製法茶品遂推芥山第一今山中肖像祀之其書法亦名家

周大賓字敬思父詒爲名醫大賓世其業好善行義中年喪偶不娶萬厯時舉鄉飲賓子易副貢生

陳汪字東溪洽五世孫性恬淡不樂進取以詩酒自娛精素難有東溪遺稿傷寒全集行世

國朝

顧子惠善音律初蘇崑生至婁珍其技不輕授人子惠

竊聽之盡記其點拍退而習焉已而詣蘇歌之蘇驚曰  
子從何處竊我歌耶遂悉指授後頗通韻譜二變七聲  
之義游京師有聲

曹家珍字鈞植諸生御史達後嘗輯沙溪志喜吟詠尤  
肆力於醫能起沈疴有仲景傷寒集注行世

張應祖字劭嗣諸生少循謹刻苦爲文詞嘗思宋儒言  
人子不知醫比於不孝乃潛心素問諸書其術頗效

毛在鵬字萬程父煒工詩文明形家言在鵬以病棄舉  
子業復得滑士麟指授益精其術

毛燠原名汝珍字子韞父應源工六法燠精其藝善鼓

王癸志稿

技術

三

琴多逸致嘗一至京師王公咸愛重之晚耽禪學卒年  
七十七

林岳時稱醫岳讀岐黃書自謂有得能活人會東郭氏  
有狂疾瀕死或進醫岳不越旬而瘳有鄉人過橋畔見  
羣羊墮下聲若投火於水者歸而病使人要之往切其  
脈曰亡陽者見鬼此其疾也使人求伏犀之枕煮其味  
而飲之立愈年踰六十忽感疾謂其友曰吾漸不新矣  
未幾卒

張禮字懋園監生少讀書後棄舉業習醫不受值貧者  
并與之資遇有召雖寒暑風雨無不立赴年八十餘卒

曹毅字子剛少貧通醫術驅使刀圭如神既老饒於資  
親族告貸無弗應者長壽庵石橋圯獨力修之年八十  
三卒

陸譽字峻聲監生精瘍科遇險證輒應手愈性落拓不  
責報有救火被壓者援出僅存一息譽爲診治竟能全  
活又一輿夫背生疽危甚急施一膏大如盤貼之全愈  
唐夢安字永錫精小兒醫並工詩

李坤元字成萬工堪輿術尤畱心邑中文獻遺文散著  
摛採頗多

王夢翔字念伊精醫學能起傷寒急證世傳其業

壬癸志稿

技術

四

壬癸志稿十一終